

|            |                 |             |                     |
|------------|-----------------|-------------|---------------------|
| Headline   | SOAL JAWAB      |             |                     |
| MediaTitle | Utusan Malaysia |             |                     |
| Date       | 27 Mar 2019     | Color       | Full Color          |
| Section    | Dlm Negeri      | Circulation | 112,050             |
| Page No    | 10              | Readership  | 336,150             |
| Language   | Malay           | ArticleSize | 311 cm <sup>2</sup> |
| Journalist | N/A             | AdValue     | RM 6,147            |
| Frequency  | Daily           | PR Value    | RM 18,440           |



**SOAL JAWAB**

### LEBUH RAYA PAN BORNEO

**SOALAN:** DR. KELVIN YII LEE WUEN (PH-Bandar Kuching) meminta status pelan kerajaan untuk menukar Projek Rakan Pelaksana (PDP) kepada turnkey contractor untuk projek Lebuhraya Pan Borneo dan juga apakah kelebihan dengan penukaran tersebut.

**MENTERI KERJA RAYA, BARU BIAN:** Kerajaan setakat hari ini masih belum membuat sebarang keputusan muktamad berhubung dengan cadangan penamatkan model PDP bagi pelaksanaan projek Lebuhraya Pan Borneo di Sarawak dan Sabah. Namun begitu, pelaksanaan model projek ini sedang dinilai dan disemak semula dari pelbagai aspek terutama melibatkan had keupayaan kewangan kerajaan yang terlalu tinggi.

### CUKAI MINUMAN BERGULA

**SOALAN:** NURUL IZZAH ANWAR (PH-Permatang Pauh) mahu mengetahui jangkaan impak cukai minuman bergula yang ingin dikuatkuasakan kepada sektor ekonomi dan kesihatan negara.

**MENTERI KESIHATAN, DATUK SERI DR. DZULKEFLY AHMAD:** Pengenaan cukai eksais bagi minuman bergula bertujuan menurunkan prevalensi masalah obesiti di Malaysia seiring dengan saranan Pertubuhan Kesihatan Sedunia (WHO). Tindakan ini akan dapat mendidik masyarakat secara berhemah untuk memilih minuman yang lebih sihat dan lebih murah.

### INDUSTRI SAWIT

**SOALAN:** MOHD. SHAHAR ABDULLAH (BN-Paya Besar) meminta kerajaan menyatakan usaha untuk memperkasa industri sawit terutama dari segi mencari pasaran baharu dan meluaskan industri hilir dalam usaha membantu meningkatkan pendapatan pekebun kecil sawit.

**MENTERI INDUSTRI UTAMA, TERESA KOK:** Pasaran-pasaran baharu yang berpotensi bagi minyak sawit Malaysia yang dikenal pasti adalah di rantau Afrika dan Asia Tengah dengan di Afrika khususnya Mesir dan Maghribi. Bagi rantau Asia Tengah, negara-negara seperti Kazakhstan, Uzbekistan, Kyrgyzstan dan Tajikistan juga telah mula mengimport produk minyak sawit dari Malaysia manakala Sri Lanka merupakan pasaran baharu yang berpotensi untuk diterokai di rantau Asia Selatan.

### SEKOLAH KEPEMIMPINAN MASA DEPAN MALAYSIA (MFLS)

**SOALAN:** NIK MOHAMAD ABDUH NIK ABDUL AZIZ (Pas-Bachok) meminta kerajaan menyatakan apakah konsep yang diperkenalkan dalam program Sekolah Kepemimpinan Masa Depan Malaysia (MFLS) dan apakah yang membezakan program ini dengan Program Latihan Khidmat Negara (PLKN) yang dianggap merugikan.

**TIMBALAN MENTERI BELIA DAN SUKAN, STEVEN SIM CHEE KEONG:** MFLS lebih menumpukan kepada aspek kepemimpinan, pembinaan karakter dan jati diri, kenegaraan, kesukarelawanan, keusahawanan dan nilai-nilai murni. Dalam aspek tempoh masa pula, ker MFLS dilaksanakan dalam tempoh 10 hari di peringkat kedua dan 14 hari bagi peringkat ketiga berbanding PLKN iaitu sekurang-kurangnya dua bulan.

### LEMBAGA TABUNG HAJI

**SOALAN:** AWANG HASHIM (Pas-Pendang) minta kerajaan menyatakan aset anak syarikat Lembaga Tabung Haji (Tabung Haji) telah pun dicairkan melalui syarikat tujuan khas (SPV) yang ditubuhkan Kementerian Kewangan.

**MENTERI DI JABATAN PERDANA MENTERI, DATUK SERI DR. MUJAHID YUSOF:** Hingga kini, tiada sebarang aset yang dipindahkan daripada Tabung Haji kepada SPV telah dicairkan. Tujuan SPV adalah menjalankan proses rehabilitasi aset-aset melalui strategi pengudangan dan perstrukturkan semula; meneruskan kelangsungan operasi aset yang diambil alih; memaksimumkan nilai ambil pulih dan menebus kesemua instrumen kewangan yang telah diterbitkan SPV dan dilanggani Tabung Haji.